

# "XAPA 'UTSÈT+ KEM+TI 'ANE TI '+WIYERIEKAK+ XAPATE 'A NUIWARI TSIE TI MIEME"

M+k+ h+rie 'ateukaritsiya tsie ti mieme h+k+ niuki x+tserit+ tewi hepa+tsita memexeyenik+ yu xexuit+ kemem+teyurieka yu hetsiek+, yememait+kanik+ ke 'ane ramaika meta titak+ tiyunake 'erie hipame wa hepa+tsita, yaxeik+a tsiere m+k+ niuki x+tseri 'aix+ tiyuxeianik+, mipit+akak+ hipame niuki x+tserime meta katinanaimariekak+ hetsiena miemek+.

Tsepa tita niukiyari teuteri wa hepa+tsita mieme, meta y+we mayani tsiere kayumay+in+at+ 'ayumieme m+ 'utsieka xeik+a, kareyutimanik+ xeimetsie miemek+ ya 'i ka tewin+ariekak+.

## Derechos ARCO



MITANAKE 'ERIE NI



'AIX+ MIYURIENI



MIHAYAWA



TA'IMANI

Pemi xeiya 'a nuiwari tsie ti mieme ti '+wiyame re xeiya, yaxeik+a tsiere niuki kemutiyuane hetsienamieme kem+ti 'ane, xewimek+ meta naimek+ kem+ tiy+ane.

'Aix+ pemiurieni 'a nuiwari tsie ti mieme kepauka 'aix+ kware 'utseni, kwa 'aya 'ar+kanitsie ya 'i kwa hek+wamet+arieka tsie:

Mihayawa 'a nuiwari tsie ti mieme tiyakatani xapate, 'utset+kait+, xapayari meta kewa meya 'utset+ka, m+k+ri kaheixeyenik+ meta kayukuma+wanik+ri.

Peta 'imani kem+tiy+at+neni 'a nuiwari tsie ti mieme ya 'i yepetiwatah+awe kwa hayuhek+akak+.

Yata 'eriwat+ kename m+k+ rayemieni:

- Kepetitewa meta ke 'ane matsiparewieni x+ka p+ti 'aneni.
- 'A Xapate 'aye 'uxet+kaime kepem+titewa meta, x+ka p+ti 'aneni matsiparewie ke 'ane h+k+ ya keranuiwari tam+k+.
- Kewa pepeka ya xeime niuki muwa peme+ 'aiyar+wani
- Ke 'aneme niuki x+tseri ARCO pem+yurieni ke neuta xata.
- Neuta xata hek+akame meta tinakeme niuki x+tseri ARCO tsie mieme ke'anemek+ petiyurieni.
- Tsepa xeime tita, teutaxata ya'i xapa 'aku xeimieme kaxeiyerienik+ 'ahetsie ti mieme.

¿Kepame tukari hautineyu peta 'eiyerieni 'a 'iwaurikak+?

M+k+ Unidad de Transparencia y+we menuhurieni 'axapa 'iwaurika tsie mieme hairieka tukariyarisie. Matsi ta 'eiyak+ 'a 'iwaurika tsie, ke 'ane petiwawirie pexeiya 'utiniereme 'ayetewimek+ m+k+ tamamata tukari ti 'uximayakatsie, kaniy+weni x+ka 'anutiyani heiwamie xeik+a tawarie 'auxume tukari, kepauka ts+ tixa+ raniere 'anam+ meta tukarik+ kepauka yetita h+awarieme kutsikame kepamexa 'anuyeyayu ta 'eiyerieni.

### Recurso de Revisión

X+ka ka'atsinakeni kepetiu 'eiyerie ke 'ane pemutawawiri 'iwaurika pey+we pamanuta hat+ani Recurso de Revisión muwa 'iya ITEI ya 'i Unidad de Transparencia me mixeiya wa hats+a, kepauku pemuta 'eiyerie ka 'anutiyeiwekaku tamamata heimana 'auxume tukariyari.

Pey+we yapaka tiutanake 'erieni kepauka:

- 'anuiwari tsie timieme tiumawi petiutah+awarieni ya 'i kay+wekaku ke'ane tixeiya.
- Peti yatuiriyerieni reuyewekame 'a nuiwari tsie ti mieme ya 'i tinakeme 'iwaurika kepetiuwewi.
- Kamatsi pit+ani katiuta nake 'erieni, 'aix+ pemiurienik+, pemihayawak+ ya peta 'imanik+ 'a nuiwari tsie miemek+.
- Kamatsi ta 'eiya 'a 'iwaurikatsie niuki x+tserime ARCO pemexeiya kepame tukari ma yemie Ley tsie.
- 'Ati yatuirieni ya 'i tika y+nit+ani a nuiwari tsie ti mieme xeime tsie ya 'i yuk+ 'anemetsie ke'aneme pemutawau, ya 'i xeime tsie kaheyuti 'enirik+me.

Y+we x+ka 'utseme petita 'ut+ame meta hautin+kame m+k+:

- 'A Xapate pematianik+ 'ek+ kepetitewa meta 'atsi parewiwame xapateya meta x+ka p+ti 'aneni ketiyurieni
- 'iwaurika '+kimeyari ke 'aneme pem+yatua muwa yetikamie hats+a meta xapate hautin+kame m+k+tsie, kepauku manuyuhuri ha 'uxeme.
- Ke 'ane pemuta wawiri kematiu 'eiyax+ '+kimeyari meta kepauka yamatiuta h+awix+ xapayari, x+ka p+ti 'aneni; meta
- Yuri ti 'eriwani+ petiyatuani mana reuyanakeme meta hipame pere xeiye ni mareuyanakeme x+ka yetiku 'eriwani kutsikame xanetsika tsie muwa Instituto.